

## Pfupiso Yetsvakurudzo

Shanduko dzounziwa nedenda redzihwamupengo ra2019 kune vapoteri nekuchengetedza kwavo muKenya, Uganda, Ghana, Nigeria, South Africa nemuZimbabwe

Dambudziko ririko mazuva ano echidzihwamupengo (COVID-19) rinotambudza munhu wese wese pasirose, asi rinonyanya kushusha avo vari panzvimbo dzagara dzisina kumira zvakanaka, dzinosanganisira vanhu vonotiza munyika dzavo vachindogara mune dzimwe nyika (vapoteri) nevamwe vakatamiswa nenzira dzisiri dzekuda kwavo kubva pamisha yavo. Mudzidzo, kana mutsvakurudzo ichangoitwa, tinotarisa kuvhiringwa kwakaitwa zvinhu nedambudziko rechirwere chedzihwamupengo kuvapoteri uyevo kuzvirongwa zvekuchengetedza kwavapoteri kubva munyika nhanhatu dzekuMavirira kweAfrica, dzekuMabvazuva kweAfrica, uyevo dzekuChamhembe kweAfrica dzinoti, Ghana, Kenya, South Africa, Uganda, uyewo ne Zimbabwe, kubvira pagore rekutanga redambudziko iri kusvikira, uye kusanganisira mumwedzi waKukadzi wa2021. Tichishandisa mivhunzo isina wayakananga chaiye, tinovavarira kuwana miono yavanhu vanobva, kana kuti vanorarama hupenyu hweupoteri, vadzidzi, makurukota ehrumende, uyevo vanoshanda nezvekubatsira uye kushanda nevapoteri. Vanhu vanosvika makumi mapfumbamamwe (90) vakapindura mivhunzo iyi.

Kubva mumhinduro dzavo, zviri pachena kuti magarire evapoteri nevamwe vakatamiswa munzvimbo dzavakanga vakagara akanga otonetsa dambudziko rechirwere ichi risati rasvika. Chirwere chedzihwamupengo (COVID-19) chakatotatamura matambudziko awa, nerimwe divi zvichitosimudza mamwe matambudziko matsva. **Vakavhunzwu vakati kuoma kwekushingairira kuwana chouviri, kushomeka kwamabasa, kutamburira kuwana zvikwanisiro nezvibetsero, kushaikwa kwezvikwanisiro zvokuwana zvokurapwa uye kushayiwa zvokuzvidzivirira pamatambudziko ndiwo emamwe matambudziko makuru ari kubuda nokuda kwehosha yechidzihwamupengo (COVID-19).**

Kunyangwe hazvo zviri kuitika mudzinyika, uye mabatirwe ari kuitwa dambudziko iri achisiyana-siyana nenyika, vakavhunzwu vanotaura zvakafanana maerano nekukonzeresa kwechirwere ichi. **Zvrongwa zvenyika zvakaita sekuvhara mikova kana kuti miganhu yenyika kana kuti zvekumanikidzira kuvharira vanhu mudzimba (lockdowns) zvakaunza kutambura kukuru kuvapoteri nekune vanotsvaka kupotera,** zvichivasiya vakapfakama kana kuti kumbunyikidza, uye zvichiita kuti kuwana kwavo hutano nezvimwe zvikwanisiro, uyevo kuti vafambe-fambe vachitsvaka chouviri kunyanye kutambudza. Nhengo

Dzidzo iyi yakaitwa sechidimbu chetsvakurudzo "Kumanikidzira kutama, Vanhukadzi – noRugare? Tsika dzokuvaka rugare rwavanuhukadzi mumisasa yevapoteri" ("Forced Migration, Women – and Peace? Peacebuilding practices of women in refugee camps") ([DSF](#) and [Osnabrück University](#)) uye "Kudzingwa pamisha muAfrica: Vatariri nenyaya dzemabatirwe anoitwa zvekufamba kwavanhu vachitama kubva kwavanogara vachindogara kumwe". ("Forced Displacement in Africa: The politics and stakeholders of migration governance") ([DSF](#) and [Arnold Bergstraesser Institute](#)). Zvrongwa izvi zvinotsigirwa nokubhadharwa neve German Foundation for Peace Research (DSF). Nokuda kwedambudziko redzihwamupengo (corona virus), vaferefeti vezvirongwa izvi vakaona zvakakodzera kuti vabatane vaite tsvakurudzo vachienzanisa matunhu akasiyana-siyana kuti vaone mabasa edambudziko iri kuvapoteri uye pakuchengetedza kwavapoteri.

Nadine Segadlo, Ulrike Krause, Franziska Zanker, Hannah Edler

12|2021